

悉見未來佛 成道轉法輪 究竟佛事已

示現入涅槃 神力遍遊行 大乘力普門

慈力覆一切 行力功德滿 功德力清淨

智慧力無礙 三昧方便力 逮得菩提力

清淨善業力 除滅煩惱力 壞散諸魔力

具普賢行力 嚴淨佛刹海 度脫衆生海

分別諸業海 窮盡智慧海 清淨諸行海

滿足諸願海 悉見諸佛海 我於劫海行

三世諸佛行 及無量大願 我皆悉具足

普賢行成佛 普賢菩薩名 諸佛第一子

我善根迴向 願悉與彼同 身口意清淨

自在莊嚴利 達成等正覺 皆悉同普賢

如文殊師利 普賢菩薩行 我所有善根

迴向亦如是 三世諸如來 所歎迴向道

我迴向善根 成滿普賢行 願我命終時

滅除諸障礙 面見阿彌陀 往生安樂刹

生彼佛國已 成滿諸大願 阿彌陀如來

現前授我記 嚴淨普賢行 滿是文殊願

盡未來際劫 究竟菩薩行

文殊師利發願經

六菩薩名亦當誦持

後漢失譯 見費長房錄

師子戲菩薩

師子奮迅菩薩

獸九

十三

師子幡菩薩

師子作菩薩

堅勇精進菩薩

擊金剛慧菩薩

巍巍十方佛 堂堂聖中王 妙相三十二

衆好八十章 身出妙光明 普照諸十方

願身自歸命 誓首諸法王 巍巍十方佛

無極大慈悲 興立諸大誓 濟度諸群黎

多聞歡喜者 功德巨稱載 願身自歸命

稽首諸大哀 巍巍十方佛 功德不可量

慧如無量海 灌澤諸十方 其有聞名者

除咎消諸欲 歸命大智慧 誓首正覺王

巍巍十方佛 國土甚清淨 七寶為莊嚴

妙香栴檀形 悉純諸菩薩 亦無二乘名

唯說不退轉 般若之道英 巍巍十方佛  
三世道之珍 其間信樂者 疾成無上真  
遊於菩薩道 堅住不退輪 所生常見佛  
速值諸世尊 巍巍十方佛 三世之導師  
至心懷恭敬 信樂無狐疑 所生常端正  
顏容甚光暉 辯才慧獨遠 願禮天人師

別有四菩薩

此四大士皆過去十方諸佛之師此四大士  
初始造行之時發大誓願言我當度一切衆  
生至其都得涅槃然後當取佛一是故應誦  
念誦持得無量無邊功德至不退轉譬如三  
千世界盡虛空滿中紫磨黃金用之布施不  
如一須臾之間誦念此四大士名其所得功  
德出過余所黃金施上千億萬倍其名曰  
棄陰蓋菩薩 薩寂根菩薩 慧威菩薩 不離菩薩  
六菩薩名亦當誦持經

小道地經

漢支曜譯

道人求息所以不得息者有四因緣何等為  
四一者怙其善不曉護戒自欲身二者以不  
護戒便黠意不生以黠意不生便不知身以  
不知身意便惑三者不解經以不解經便不  
了了以不了了意便疑四者不數校計命福

獸九

十四

日盡心自可用是四因緣故不得息

道人求息欲得息者要當知坐行二事一者  
喘二者息亦在二因緣一者為生二者為死  
何等為喘何等為息所起意生為喘意止為  
息何等為生何等為死意滅為生意起為死  
要當先知是因緣當那得分別知因緣所從  
起盡事在四對何等為四一者不知食多食  
不學不制貪味過足二者意隨色不諦校計  
多求自欲為種苦本三者驚意蓋起多睡眠  
失本念邪向夢中種栽四者疑惑便惡口增  
便兩舌墮非妄瞋恚身口不相應為是故不  
墮禪棄當那得近禪常數思惟喘息生滅起